



企齋集

共八卷

~ 16
2412
2



企齋集卷之六

詩

尹衡之席留尹秀才

秋開庭樹錦
雨作遠峰奇
白酒留君騎
黃卷邀我詩
樵笛歸牛夕
林歌并豚時
猶能醉後去
誰道野行遲

朴家座上賦彈琴者

香檝鯤絃調古今
酒邊斜日落西岑
昌黎去後文章下
只恨無人序聽琴

食散潭蝦戲詠

2412
8-2



金齋集卷之六
鄉鄰郭索佳台子游戲天民好散潭一網少
公龍伯饌秋風終不忘頤頤

八月聞雷有感

獨立秋將晚
衰逢世未容
雷霆驚八月
雲雨暗孤峰
野冷飛鳴鶴
江空起蟄龍
誰能終抵險
白首要候封

全定虜家有其先祖遺詩求和甚勤

喬木踈籬帶故家
風流畱與後人誇
白頭來作元亨老
欲和遺篇意有加
飲梨巷酒味勝洞庭春色

軟於酥粉甜於蜜
滋味端宜病渴人
折柳落梅曾入曲
白梨黃橘更爭春

九日鎖院次洪典翰折來山菊韻

逢辰自歎髮如霜
三嗅山蒼分外香
幸不折來簪席帽
莫如携去泛清觴
餐英肯與同憔悴
入句猶堪共老蒼
能遣鎖闈非寂寞
先生還對古時粧

次韻戲書宗印禪師詩軸

青春過盡閑柴荆
白髮欺人似有情
今日偶成爭席會
逢僧還欲爾同行

劉被開情未易裁何人挽我此留哉樽中酒
滿春還住頭上蒼繁蝶亦來檀板一飛歌竊
窈窕梁同墜舞徘徊百年奇會莫非偶異日
追思夢一回

奉謝閩東都事韓君惠問

故園曾同里殊方喜得書青春領海嶠朱紱
判龍豬回首開雲翼降心問涸魚歸家作文
度餘慶動鄉閭

再次雲卿韻

言詩吾已濫投壁夜還明自托中年契休論

末世情招尋初不數談笑近多并莫遣風流
地終慙作者名

驪興金使君出示容齋相台送別詩韻

求和甚勤敬酬而復

薇垣當日聚華筵驪上如今見數篇內外有
分浮世事相逢依舊故人憐山中散木宜無
用醉裏深杯祗可傳賀老風流應未遠敢望
張翰且同舩聞容齋乘舩將
至州云故及之

挽金驪牧夫人

結髮同堂如手足光陰十七夢初驚承家有

幹生何憾享福無虧死亦榮百歲只令悲哲
九原應復念卿之驥江日夜東流去一送
靈輻淚幾零

送沈令公連源觀察嶺南道

前年西塞江頭會此日東門嶺外離 王事
向來能用老別情今去重含悲添新莖髮驚
霜鬢依舊春風動酒卮幾向歲荒南土樂羨
公仁政易為施

偶吟

不分看老眼已昏任地閑落自終之明朝病

起應無賴留得三批當錦文

繁枝如雪香芬風春事堂之已過中寥落小
園長在病筵聲遥起洛城東

次祐寧韻書惠仁師詩軸

佛法最要觀物我師平宜識爾名仁欲談動
靜元非二將謂吾儒亦可詢

驥興金使君為致祭米雉冰酒簡謝

清齋追感髮成皤門巷情無客子過抄米華
龜非野服并冰壺露自公家並芬登豆陳榮
賜考妣居歆降福嘉民道死生歸厚德武城

今日有絃歌

書再生契軸

人情異安危安處忘其危思危不苟安忠以與為期舟遇急流日應同此一心若保爾時心百歲能斷金

李虛谷寄池尊且和前詩再用其韻謝

之

白頭仍老困晝日夢池塘門閉傳乎惡書來起跪長滿懷遺母意獨對細君嘗更荷清詩寄微吟興亦狂

亦耻韓師圃還成呂灌園詩工西策架理妙濁醪罇未會尊池趣空憐菊遜存賀谷留不得張興忽盈門

書事與罔岑上人

楮生三束一雲衲來自青龍江上寺自說金剛一萬峰歷々如今皆可指

寄青龍寺能月

瑞雲山裏青龍寺能月禪師住上方藜杖擬尋脩運雪無成清話夜連床

次韻

花昏書眼失偏傍香歌難成楚客裳終混鴛
駢迷鈍速不量杓鑿正圓方還憐玉色收梅
蕊漸擬春懷付野棠縱有毛錐今老退詞鋒
宜避陣堂

題銀臺契會圖

任重尚書省官清獻納司恩波挹北斗芳譽
簞南箕天步艱難日民心棘夜時同僚及
同事情密角弓詩

座上戲書示尹公良卿

千樹樵花一洞春東風吹水綠粼粼物華此

日真堪賞醉舞婆娑白首人

挽嚴典翰 旣妻氏

絲蘿引蔓托椒聊自比綿綿達遠條滿目繁
華方有實一身奇禍本無招支離在病鄉
隔冷落遺衣帽遙人世更堪逢厄會北邱
秋月恨難銷

挽領相夫人

當日穠華可肅雍幾年中饋獻柔功恒貞已
地家人吉壺化終歸相業隆還有阿咸貽後
翼豈無士女繼前紅珠襦一閉哀榮盡只恨

何時更壽合

宇宙翁自山中曰雲庵上人投詩求和
用其韻簡寄

行裝一衲磨雲水懷裏摩尼祇自明猶可獨
觀穿得榻不須多事耦而耕寅緣未盡言成
綺宦路何知爵是榮白首欲存蓮社約勒移
還恐北山英

書堂示故舊

地僻人俱寂天寒月更明相逢童稚舊總說
昔年情燈火三更席琴鐔二美并看君遲暮

意勿許復功名

齋宿國場壇

峰回川抱國殤壇野宿齋宮月寒袍笏整
時姓上豆幽明交處驗衝冠三更風露靈光
動百鬼嚙嚙囂歎闌 思澤滲濡和氣感自
無陰沴更相干

真休齋

欲退何曾退言休未見休盡成媒進計誰主
養生謀山與古今遠江從天地流百年堂上
老真箇辨長遊

何用幽居已非平地仙自拚身不辱真得
坐能堅世事多繩墨罇醪亦聖賢一堂江步
上穩送白頭年

簡謝尹正之包黃致貽

今朝忽得浮羅信滿帕黃柑眼倍青却憶故
人鷄黍會報書何日過南滇

駘馬契會圖

勝事傳應遠芳聲久更留古來清憲地還有
契蘭遊共擬絃為直那思幸是柔長途駘馬
駿不必讓羣駒

送韓子純奉觀察江原道

曾刺真珠興不迷春風行盡嶺東西水觀渤
解難為大山到金剛莫與齊愧我往回空落
魄須君詩句再評題豈惟民意思前憲花待
來蘇鳥亦徠

奉送柳工部希齡赴燕都

探蹟從教白滿頭却將詞賦摠莊收編多已
盡東方粹採博魚須海內求遠左火雲逢暮
雨帝城霜樹對清秋此行孰識非吳札定
把今時更擬周

以病蒙持 恩不得赴京移告在家看
駱峰瀑流即事叙懷

病裏聞山雨窓間回白頭
簪牙隱翠壁屋角
掛飛流忽似疏煩想還如長舊憂眼看渾
聖澤何謂卜居幽

弘矣愆初志經營負壯年
飲水非受命內熱
本沉綿展轉悲床簀崩
屢爲憂劓燕 恩私空
耿々白首證蒼天

謝仁卿寄油紙

廿幅溪藤白雪光清油暑處假真黃
明窓靜

几深相稱潤色先生舊土床

七夕謝陰竹宰寄酒肴

田中辛苦猶惡暑天上光陰已報秋
有酒有肴過此夕使君為政極風流

被黃宰任虎臣武伯固邀歸程復登加駕
鶴明日約遊冷泉臺雨作適霽又次前
韻示座上

却為江山主高樓又少留身起成羽化客似
接仙流零落詩千首杯觴地一頭東風吹雨
斲還助冷泉遊

縣居金洗希實同年来誇卜有兩地林
泉求留一語戲書以贈

林泉又卜小林泉兩地林泉一老仙十年亦
識林泉味那得從君更討玄

題青山縣白雲亭

青山縣裏白雲亭天作名區擅勝形惆悵白
雲今望斷故園回首萬山青

任君有和復用其韻

一帶清川繞碧羅玉簪峯影倒明沙白頭倘
有重遊日須及崑崖躑躅花

任宰有別語次其韻

心肝豁露艱難際奇遇溪山白髮年夢裏琴
歌雲雨散異時相憶定依然

任君追問行李

青島來傳信簡芳白頭傾蓋舊情長月峰卷
壑翻成夢回首煙霞墮渺茫
鶴峰半壁劃中分一水回流石作門八區仙
境雲巖六未許撫卷細討源

青山途中

青山白水路漫漫隨處人家掩竹關白首遠

遊曾未見却疑身過画图間

送李同僚春齡赴燕都

亦作經時別還今奮日僚未成杯重把那得
恨無消萬國星拱北千山路繞遼憑將百年
耳送子聽簫韶

到西原哭姊壻進士李弘祖

白首逢君後春村獨我迴池塘人罷夢亭宇
笛生衰戚之看兄通嗟之望季來唯餘蘭玉
種種久慶以為培

送鄭耳齡以冬至使赴燕都

童逢此日論文地白首分携更可傷二十年
來真隱市三斗里外却朝王周家禮樂開天
統吳札行裝趨一陽屈蠖欲伸前道遠海雲
燕樹政茫

李同年可寬公新造堂未就約以堂且
成邀賦一詩座上口號以答

相携取次坐拾密人世論交卅載間待得堂
成茨蓋畢重来還欲賀江山

復用姜主簿子始前韻

九日霜餘菊百年憂裏人夜深相對坐月照

兩殘身未見書來慣空聞鴈過頻故山應杜
轡游躅更能塵

題春坊契會圖

契託金蘭重榮歸繪畫中清班陪 紫駕肅
享輔 春宮象德星應聚傳心石可通須知
歡會處猶作 聖時功

朝日虛谷老人寄雉首以詩步韻簡答
無心出戟執門冬欲至珍重故山友佳惠
撤朝費

次李判校元和韻

相逢更覺卅年遲笑對彤庭各自髭工部爲
郎曾在臂江湖寄食獨無資身還國子前堂
上夢落天民舊水湄句意唱酬飄轉後蕭中
同作老蠶期 思素老何此味
塵間樂事已無多縱欲酬 思素老何此味
只應知者少對君要與說江花
白頭城市嘆重來踏盡黃塵未見苔賴有君
家詩架底不妨携酒日三四

送鄭僉知公惟善赴燕京

風餐雪虐歲崢嶸使節侵寒向 帝城才大

豈難傳兩喜情深徒憫送孤征幾時回首看
雲數何處攢眉得句清忠孝所存俱盡瘁孰
將親重較君輕

先獲我心詩有詠霏々還渡嘆依々如今送
別寒初動想到來時絮正飛客裏三時看六
變鵬程六月肯相違明年沙嶺郊前路應拾
芳菲壽兩闌

戲次答義州板上江邊石契

誰道佳人捻不情人情能重或能輕江頭只
箇傷心石獨破副腸送此行

義順館先送宋承旨純

江城風雨曉來多同受君恩饒使華客舍
陽關身獨滯東歸西出意如何

挽尹判書仁鏡夫人

丈夫當自立女子在從人不有柔嘉義難成
富貴身封爵宜貞敬呼卿失愛親無兒初未
後鄧氏豈非仁

送尹公思翼黃海監司

三十年前後造群當時清選始知君真々幾
攬春蕊樹霜々空憐日暮雲橫帶黃金重刮

目滿頭霜雪更論文如今又作陝西別宵肝
深憂子獨兮

君達吾還成兩喜白頭何意更同朝
旄旌時節重兮手崇樹風流定採謠
自保純心供歲晚獨將清德鎮時
澆奸賊消縮先聲振西海無波雨亦調

挽錦川都正夫人

早將貞質托公孫奇禍當年可忍言
諸福未消猶享壽清秋何恨會重原

挽中僉知永供夫人韓氏

門闕韓侯盛榮華世所稀自從身獨處
還送予先歸歲月看應厭丘原往可依
悠悠拋萬事行路亦沾衣

送柳同知

赴燕都

山雪河冰接帝都白頭跨馬事征途
吹噓起廢時方泰滄俛從公義豈喻華表
不須悲語鶴首陽應為駐鳴騶
皇朝禮樂新於舊

千歲觀周更有吳

十八年間各保軀愆尤追憶亦猶吾
揣摩固識君為知孤介偏憐我自愚
重忝諫臣憂補

拾敢違 王事說江湖相逢白首還相別
祈子殷勤取遠塗

挽領府事鄭公光弼夫人

穠桃當日聘 嬋媛積慶庭間思所存中饋始
宜齊案婦相門終見點頭孫命無福祿人難
奪禮極衰榮世共尊七十七年偕老後融
應亦會重原

次梨湖韻書一精禪師軸

昔年多作寺中遊 白髮極遲只愛幽山林
閑寂元非異說與顛師為少留

挽同年孔同知 世麟

情親同榜後別久 退休時白首重相會
黃梁已一炊 酬恩空有地 報德竟無期
閑却堂下志泉臺永恣悲

醉書成繼禮進士望西亭

松林佳號望西亭 皓月殷勤嗣若英
日下長安者亦近 乘榆晚志會須成

挽丁四宰王亨大夫人

穠華當日早依歸 福正繁時願亦違
滿背春深垂鶴髮 盈門慶衍列烏衣
增封一拜見貞為

爵一疾俄驚雀已飛人世衰榮誰得似
綈邊簪笏捻成儀

送洪參議春卿赴燕京

嘗省華譜知分派得接清標愜舊聞
已喜塵中人似玉還憐筆下錦成文
欲將晚契通金石何謂離襟隔樹雲
西極燕山征節遠白頭佇立望夫君

挽蘇貳相世讓大夫人

人事參差未可原天拋光歇晚須萱
鮎黃鶴白耄期壽玉秀蘭榮百十孫
慶衍棘槐元有

教爵封貞敬更無尊悠、未就升堂拜
欲奠生芻竟莫奔

雨中卧病城南寓懷

昔年僑寓孤山里積雨前川可繫舟
白首城南愁卧病却將簷溜當飛流

趙正士身自書堂送小白魚解包盛盤

銀花滿眼感而隨謝

昔年叨入讀書堂窓對東江政森茫
曾見白魚頻薦細銀花堆處興還長
暑雨濛之久未開白頭愁熱病快
白身包雪

片驚相映眼豁江魚白，來

秋部官池即事示宋正郎

渴雨池塘水暴暴，盈新荷無數，蓋相傾紅蕖。一
及嫣然笑似為郎官媚晚晴。

書駝馬契會圖

相老中丞府，霽清御史臺。風流多古事，名望
穩時卡。但使朝綱振，何妨舞袖披。乘駝二十
四，誰画醉能一作回。

九月初吉對舊翰林姜君賞秋蓮醉次
愛蓮亭韻

秋毫泚露小池蓮，得句深憑酒有賢。綠萼始
敷空寄想，清霜未倒已堪憐。孤芳忌潔餘金
韻，一葉通中當玉舫。物性向來人與近，更回
青眼對華顛。

夏官契會圖

袞々登清選，翩翩々集夏官。要将罇俎用，擬試
折衝間。晚景江山麗，平時酒盞寬。契心期助
理，非敢狃於安。

立春日次通津壁上韻

凍合江連野，年彫雪滿村。觀瞻沙戶走，迎迓

縣人喧入館先看竹開窓暫靠軒菜盤今日
事誰與共深樽

奉和羅牧仁卿令公沉蜜黃橘韻簡謝
南橘千頭早得霜色從金闕借真黃鮮芳不
入逡巡麴雋味能含馥郁香唾蜜合來甜更
永瓊漿嚼罷句還長扶衰却老今如可洗盡
黃公湯餅腸

感懷

憶舊心猶在悲新淚不禁老吟身可愛能得
到如今

次釣臺韻口號

解道功名一羽輕雲臺何獨有丹青誰將廿
八尋常宿錯以仙槎畫掛星

題重林驛

春到川原雪尚殘驛亭寒落小山間庭前古
樹枝柯少誰擬甘棠且勿攀

挽姪女金橫城雨性妻

少長年差後情親若妹然南容從可妻女行
遠移天太守熊轡日高堂鶴髮年季兒猶未
娶何忍即重泉

題畿甸守宰契會圖為迎華使集于碧綺驛
龍章鳳表耀青春天上絲綸雨露新候館逢
迎瞻漢節賓筵罇俎走畿臣周旋王事曾
無墜結托蘭盟更展親既画縵儀傳盛事諸
君况可答勞民

和崔師博將歸韻

故人無識故人愁一著青衫已白頭客舍未
成歸夢夜春霜和月冷侵綢

書內曹画蘭竹圖

蘭自猗之竹自妍無情草木儘堪憐山岵氣

味真難寫跡是回依妙不傳

題宣傳官契軸

宣從紫禁趨青瑣職掌龍符下玉墀清選向
來聯俊傑芳盟要與契蘭芝

蒙示鄭同知關東錄乃有洪相題跋且
喻以繼續書一律于後

雄才久畜屈伸間眼底湖山入筆端東岳試
觀天下小秋河從覺海波寬卷中歷々皆親
見名下紛々搃赧顏還有匠園留一賞從今
拱把合成攢

挽南大諫夫人

淑質生華閥盈門配所天親卿為大諫胤子
是同年未歲唯身老孤孫只眼前人間八十
八憂樂夢兼全

津頭書南江

為遣南江問讀書之中有意定何如清明忽
迫煙花節莫與閑人事被除

聯句

與昌邦同賞古館梅花

真珠古館春早回真共館梅知誰裁霜刀巧

剪青女勞

邦

玉容寂寞姑射來清香寒夜露

微之月色在枝春徘徊之道高意遠淑且真

把酒自幸清夜陪近之可遜不可慢邦明道

先生今在哉瞻前忽後影凌亂欲見真面心

難裁之好靜不厭詩書聲騷人疊跡傾金罍

誰能採之貢玉堂邦美人渺之維永懷蘭盈

九畹氣蕭瑟蕙已充房香亦摧之君有好述

廣寒妃禮以自防無所埃天寒雪下蝶不到

邦古意寂之城西隈明朝門掩人亦散忍看

落葉黏蒼苔之

漢

聯句

雪盡沙村路 千山人獨歸 橫羸驟遠 驅火磁
風吹我衣 珞

聯句

去歲西樓倒 玉危今宵古 館著清詩 邦昌梅卷
樹下悠然意 明日山西幸見思 漢之

凌波臺二十韻

納之萬川 不見溢 世間洪量 壯東溟 前波欲
折義和軸 邦遠勢明 侵太白 呈漠之 稍分雙
度鳥飄之 難著一浮萍 之南鵬 恐濕垂雲翼

玉兔愁寒倚月榭 萬疊海雲蓬 島隱千尋弱
水日輪傾 邦天門此去 知何許 大壑如今恐
已盈 晴日轟雷聲 拔岍炎天崩 雪爽携瀛之
遥看白浪中 天蘸幾度黃塵 棄下生 邦古石
凌波磨不盡 高臺度劫兀 呈形胸吞雲夢 誰
言潤眼過扶桑 自覺明之金學 滿春斟羨醪
玉盤堆雪膾 長鯨已招黃鶴 樽前舞欲採 蟠
拖了未成 邦王母不傳青鳥信 海翁聊與白
鷗盟 之羨門子 晉同酬 酢白鳳 驪龍刺炙烹
邦雲遇洪濛 遊雀躍風驅 御冠步 踰躅之釣

船欲繫珊瑚樹詩句能收島嶼青邦天外擬
看銀闕湧雲間初覺白毫橫之雄篇傑作啼
幽魅虎嘯誇談徹大清邦醉眼襯霞高興動
歸程回首衆山平之阿鳴促膝馮夷笛玉女
牽衣不能行邦

燈下聯句二十韻

謬忝瀛洲選晦慚叨翰苑遊漢詩書孤往躅
晦忠孝愧前脩之綴拾須蘭杜晦文章擬炳
彪之聖謨生死以晦大道古今由之賦與天
非畚晦明誠甬不求之有生空逆旅晦無地

着蜉蝣之可異乘榆晚晦難堪髮髮秋之汲
深憂短綆晦齊未咲岑樓之韜豈長途頓晦
山應一簣休之刮塵明在鑑晦磨石玉成球
之托契君同調之談懷我可酬晦明燈寒夜
靜之促膝小室幽晦歲暮形容在之閑中日
月悠晦消埃期少答之海岳詎能侔晦勗爾
無相負之憐渠拙自謀晦既根將食實之涉
海必操舟晦上幸逢堯舜之身須許傳周晦
圖南風借便之得玉鈞無鈎晦欲展匡君略
之寧懷抱璞憂晦言詩非偶爾之明月故相

投晦

企齋集卷之六

企齋集卷之七

詩

送正朝使許南仲磁

天涯遠作朝正使客裏曼程歲月闌遼左去
時楓欲麗薊門歸日雪猶殘吟探物象奚囊
官看到山河眼界寬聞說陶唐遺教在須論
揖讓待君還

次鄭雲卿韻士龍

天高地濶值秋晴誰信茲游冠平生華表柱
頭聞語鶴鹿鳴歌裏賦由庚駢駟始展長途

騁故奮空懷遠別情擬掇黃冬時泛酒月明
遙慰客秦城

蟾江公有詩相邀次韻簡答

風傳蘭棹數聲柔坐想春江淨似油忽有佳
期來眼底已催歸意落滄洲

鄉會醉中送尹君正之守關西渭原郡

正之先公
亦字是郡

滿目秋原秀停杯別意深南隣鷄黍遠西塞
瘴雲侵平世賢從事將軍重自任繼聲先父
慶榮豈異重臨

朴君長源屢陪椿府作山川之會尹上
舍衡之有四韻詩以羨之次其韻以示

朴君

農事今云畢秋郊罷水車俱為百歲役聊慰
四隣居白飯羹供雉香醪膾薦魚同遊異樂
志誰復仲長如

奉送鄭仁甫萬鍾觀察海西道

樽酒論前後相逢亦有緣辨身知命日起廢
退休年更忝吾從後深推子在前視心曾莫
逆投刃固無全每擬簪須盡多為事所牽黃

花携別酒白首惜離筵節向西關晏心回北
斗懸瘡痍民正急鰥寡政應先衰懶悲無與
經營羨獨賢駢那復止去莫相憐華屋
芙蓉艷秋山月岳妍有時閑簿牒何處採詩
篇竹石山來長螺杯定幾傳刑官真可吝牒
許苦相經告情何賴清歡性自偏二應西
海月相照駱峯邊

客路逢妹婿李德胤叙別

旅館相逢欲暮年客程還借主人筵生憎湖
海多歧路分年風煙一惘然

舊識龍門僧一精持其師祖禪詩軸求
改書昔午所題既書而還日記一絕于

未寄遇長老

龍門彌勒舊同舍龍屈指僧年九十三合眼飽
看塵世事愧吾猶受利名饒

朴壯元不陋惡詩遠勤酬復寄以仙珎
敢用前韻簡謝

兩地無嗟信使稀素書且并未經時神仙窟
裏封新採金玉堂中寫遠思錦幅爛斑詞益
麗松蘿香軟雨初肥令人忽起秋山想杖策

尋真會有期

叙事奉送冬至使韓叅判子純浦赴燕

都五十韻

住本西山下天低北斗邊衣冠曾共盛韋杜
舊相連負笈文成聚彈碁席幾前同心非挾
友兩世作忘年回首俱塵跡浮生各有牽陞
況時與異聚散事隨遷卧病驪江外移家華
岳偏幾傷零落盡獨喜典刑傳雨露蘇枯草
明光起冷煙重來新白髮復吐舊青氈感激
追前好情親在夙緣織洪雖錯序名位幸隨

肩瑞節頌蓬島金卷照海堧抱城公問禮遼
界我承宣絕域同罇酒漂萍會錦筵青娥還
落拓皓首更狂顛倏忽歲將暮支離病又纏
城東阻山北刑部劇樞負未見相并數徒悲
舊計舛青冥聞命下長至許朝天病是沉痾
痼寸非賦對專廟謨宜定遠公幹恐逃遭天
地恩私重蠅蚋性命全優言更簡選危滄忽
清澗壯節輸君健殘生重自憐葉公多內熱
杜子本沉綿長夏移衾枕清秋失靜便知音
嘗畏飯平世任胝胼忠孝元非貳權衡在所

金京集卷七
銓北山寧漫賦祈父尚須編德驥開長路秋
鷹鳥展老拳恩榮出震極文彩動星躔試賞松
臺月應敲陸水絃煙霞七佛寺風雨九龍淵
再往墜空香重遊羨獨賢東方吾所見北地
子能穿轉眄閭峯出高瞻鶴表褰千年訪丁
客八月效張騫碑古昌黎縣薇殘首岳巔金
龜何肆酒玉唾幾詩聯山海秦城繚燕京斗
極懸五雲開鳳闕萬國最朝鮮禮樂觀應徧
文章孰或先寒燈孤館耿殘雪一冬玄篋重
多千首囊空少一錢清宵懸 闕戀白日望

雲眠旌旆歸宜速升堂約豈憊蘭房香益久
取友義彌堅離別幾吾老經綸待子旋羞將
百年眼空付萬回鞭

詠歸堂十詠

松蘿翫月

瑟縮寒濤破碎金為憐秋月坐松陰難流亦
會幽人意適韻翻光助賞心

松臺御風

回首塵埃萬丈紅人間翁勃盡雌風松臺別
有冷然樂借問蘭宮定孰雄

柳洲泛槎

無底澄淵上應河柳陰時復普浮槎塵間漸
隘君平去誰識雲機看玉梭

龍窟釣魚

神功無迹孽竒窟下有澄流激作潭誰道日
斜魚更食直釣香餌不相參

中塘採蓴

綠莖銀縷藕中塘滑合香杭冷比霜只愛季
鷹歸後菜令人不羨太倉羊

春洞牧蓴

花明兩岸錦成堆草軟長堤雨欲來黃犢正
肥蓴笠在夕陽吹蓴倒騎回

長川落照

長川一道澄如練落照斜啣台似銀天二光
陰山下水分明逝者警遊人

漁村夜火

水外孤村夜氣冥隔林漁火粲流星明朝擬
買西家酒野老杯盤定膾脍

柿窰朝嵐

霜黃石樹画清秋窰上晴嵐午未收陶子只

知怡悅慶魏生真得卜居幽

柘林暮煙

依之暮之渡川原坐覺前林次第昏最愛竹
間清露壺箇中深鎖夜啼魂

通津客軒花月夜次宋居士環韻

適從何處此時來月夕林花霰似開堪笑子
猷乘興後壺舟空棹刺溪迴

宋留守大夫人挽

人間分離佩天上識麟雛世德終堪記幽貞
更可圖徐生宜有莫臧氏恐疑踰積得他年

慶繩之定不孤

銀臺契會圖

選是當朝彥官為禁署清星辰深斗極雨露
近蓬瀛合有蒼生問同承晝日榮且修金石
契重結成寒盟

入齋京兆府見蓮池有花一朶於衆葉
間獨開

書永清齋日官閑退簿時納涼憑画檻楷眼
倚蓮池翠羽擎千蓋紅粧擁一姬幽思還攬
靜助我有新詩

題錦川翫月圖

金莖夜寂東賞月集清宵影動蒼龍闕光翻
錦水橋心應觀一照詩可賦同僚正合停杯
翫深 恩查白醪

八直都檢府詠盆池蓮

埋盆貯水累蒼苔數朵芙蓉盡意開不是彩
雲從鏡出却疑仙艷自天來

次默齋洪相公_{在弼}韻書元上人詩軸

幽居多病久寂寞喜逢音俗子難謀道山僧
解養心駱峯秋欲動蘭迳夢還尋為問寺中

老古燈應似今

書部將契會圖

部下偏裨揔俊良五雲 宮闕儼分行仗移
玉陛旌旗動班統瑤臺劍佩長画比唐臣多
一位詩無秦俗薄同裳功名幸際昇平日却
笑身馳萬骨場

舊翰林申元亮_潛簡寄銀鯽四尾酬以

郭索十箇戲謝

山齋夢踏蔬朝得翰林書何意四銀鯽翻成
雙鯉魚飢盍先動指膾腹更嘗腴相酬十公

子應不咲形模

朝卧不起又散遠書兩篇佳句蘇慰病
眼且見拳栗定是山中手拾令人悵憶
故園來价臨門告忙不可不和寄韻草
復且想家山九已迫感念舊遊及之

未韻

今朝又得慶莊書鳴鳳山前閉户居岷嶺自
收工部粟南陽誰問孔明廬朝中每惜吟佳
句驢背何心羨廣輿惆悵元亨舊遊伴黃花
無復論頭緒

挽申同知

景洸

交朋盡零落肉骨且消磨自爾歡情少其如
白髮多愛才重悼惜知命亦滂沱益厭人間
事真如夢入柯

金仁卿寄五色華牋一封兼有七言律

次其韻以謝益壽

前宵頻恠夢春紅今日真看五色封擬閱月
團如見面却驚雲錦照衰容兼將麗句交酬
處應許深情氣槩中白首久慚勲業淺華牋
聊可助詩功

司饗院契會圖

尚食官稱古承 恩奉御親張生箴適口蘇
氏對知珍要試鹽梅節終看鼎鼐新還將金
石契不負畫圖人

南風

乾坤如古寒暑不易而南風之
薰且時有不及舜世者感而作

乾坤離坎同分位燠烈煦凄各異風解愠阜
財皆帝力南薰何獨擅天功

雲

如衣為狗須臾事暮海龍山竟若無奇爾從
龍能澤暎莫隨風伯亦陽鳥

形目山海騰成氣澤遇陽和降作霖變化向
來元不定無心那有敵天心

揚根江路即事

蓬旅曾爭席今來是使萃龍岑猶戴靈驪水
欲生波馬影橫危磴螺音渡脫坡經過山路
熟回首惜無名

舞嵩途中

峯回地狹路遙通氣蒸觀風駟牡遲莫道異
鄉非樂土酒星隨處舞嵩奇

村前溪上飲報

金齋集

村前溪水亦初釋洛下衣冠會上流雪盡出
崖花未動山城春半覺如秋

次獨谷成七三韻

溪為羅帶山為帶
花無羯鼓東風吹似李郎才

永平途中

逸水崖成僻沿崖水似油
更能遊日月忙邊疾江山靜處幽
停驂忽招
張春事憶西疇

磨訖川寓興

川名磨訖磨未訖碧石參差川
伍列何當坐
看磨訖時只有清流無可沮

都檢府即官契軸

禁軍參佐摠名流
蘭契杯觴幾獻酬
聞說庾公乘月興老夫於此欲同遊

會飲姜氏故宅

梨花開盡靈飄然故宅重遊四十年
誰識當時舊賓主
白頭相對戀華筵

縣宰追送官妓名揚津者戲簡却送

真成一夜陽臺夢
還恠分明見玉人
青鳥却

含芳信去落蒼何處問揚津

送李監司季雅兼尹咸興府

千回路折鐵門關不似噫噓蜀道難節鉞建
於頭白日功名垂在汗青間天雲磨處山重
出魚鳥成來海益寬看取海山歸眼底化行
都只要民安

挽權三宰仲虛樓妻父

大樹鄉中寂寞濱經過八十四年春青在早
棄微官累白首終成不繫身家壺久看三女
士館甥今作貳公人一枝更有椒聊實貽後

長條萬葉新

歲旱汲馬湫灌田

風起黃塵滿野蒿火雲如傘日如熬龍菜小
花初吐萼馬湫深水僅容舸桔槔未見收功
博黍稻何時有廩高說與僕夫且着力要着
秋實敢言勞

挽朴知事

字良

屬望隆治日如何耆舊衰人悲三德窳士嘆
四維弛賃宅無餘業還山有故期平生知為
國蘭玉足吾私

次仁卿韻兼謝竹簟油紙

竹似琅玕紙似霜
簟文油沫更爭光
企齋夏永薰生几
駱谷嵐深潤透床
二物併能除熱惱
一篇還復助清涼
北窓真味君先得
乞與衰翁合退藏

天磨山僧日間遙寄卷軸求詩甚勤次

前人韻書以還之

寺古山深一逕微
想應方丈掛禪衣
遙看詩卷猶憐進
始識閭名敢較非
三昧已輸兜率樂
百年寧息漢陰機
紫霞高洞心長往
安得

尋真菽石扉

七夕日妹婿柳君避寓東門外採送雨

節菊白蒼爛熳可愛為賦一律

一朵再開菊移根
從震方流光初墮
火冷藥欲含霜色
勝燕京白香深金鳳黃
如逢七月七故作少重陽

用前韻示閔希仲濟仁

受氣何偏厚奇芬散異方
繁英還觸熱晚節竟凌霜
淡泊心從素分明色讓黃
應憐桃與李只得耀青陽

奉送湖西觀察使洪令公敘疇

人事天時苦不齊
白頭料理坐如愚
盈虛消長應須有
離合升沉未可無
雖識茅茹同氣味
難看杯酒一歡娛
秋風又送湖西別
擬作鵬程九萬圖

徽垣契會圖

楊峇江上是蠶頭
今古登臨擅勝區
共說諫臣清議衆
剩看平世寵光殊
右軍脩翼應須有
司馬題名未可無
從此徽垣吾道盛
風流邊事捲成圖

戶部蓮塘嘗蓮葉酒口號

杭派雲子白麴合
洞庭黃冷是淪荷
露甜非假蜜房
沉病驚入口腸肚
覺生香曾薦瑤池
宴宜盛碧玉觴

挽鄭金化龜年大夫人

華壺貞姿鸞作彩
爛門祥禮劍相參
小蟲催日裘方獻
黃鳥飛時葛正覃
期後星霜添得六
眼前蘭玉慶餘三
哀榮到此應無憾
婚媾情深自不堪

甲辰仲秋望玉堂諸公會于訓鍊院翫

月適入直都摠府不能赴邀為賦一律
示同直本館兩先生求和

仲秋探勝諸仙會斫盡雲窓古事亡座上風
流誰擅興罇前輕脫孰能狂天葩歷倒紅裙
艷月色翻成白玉堂青瑣夜深都寂寞水晶
簾外幸分光

擬宿真休堂次鄭湖陰士龍韻

一上雲亭晚招尋覺已遲山舍輕翠秀江映
落霞飛天地從沙鳥幽貞假寶龜真休如可
學吾亦欲同歸

在奉恩寺道源吟詩甚苦戲之

初來只為禪林勝不計詩魔解逐人雲壑雪
峰皆入句法窓終日坐吟呻

送金宰相國卿赴京

亦知衆所好偏傷君子情欲扶吾道直宜有
俗間驚事業歸彝鼎心期在遠程此行觀禮
樂還覺別離輕

館吏走報 宣醞下館戲寄鄭正字膺

之

山深風日苦清涼小吏來傳好語忙 恩下

九重君飽德，獨能無意對書床。

次濟川亭韻

上有一層樓，下臨千丈流。晴雲粧遠岫，春草沒芳洲。落照荒臺閑，禽淡浮江山。留色我輩惜，相留。

蠹書魚

磊落藏千卷，蕃滋有小魚。常憂蠹食盡，更隨鼠穿餘。檢易黃糊亂，翻詩雲點虛。邇來偏作蠹，憎我不看書。

企齋曉坐

幽人早起營何事，清曉銷香護性靈。朝日上時虛幌白，宿雲收處遠山青。

企齋集卷之七

企齋集卷之八

詩

義順館留別李都事

京國初相識西關幾度逢交情看漸熟客思
坐來重鴨水烟波香湖山暝雨封天涯離別
處罇酒未從容

龍泉館次董華使壁上韻

辭家轉覺病還添吟苦誰憐眉更皺枕久悠
々夢午炊山高磔々聞春雉心存尚記再觀
遊道遠不愁多徑竇那識白頭迎慰使昔年

曾買杏村酒

東槎錄

次遊漢江韻

青春且盡始登臺，擬濯東華滿面埃。
花鳥豈知人事改，江山如待使星來。
賓筵敢以多憂廢，好抱聊憑一笑開。
不是宿緣聯玉籍，雲間那得接行杯。

天上河源落五臺，樓前澄景絕纖埃。
楊花春盡帆歸遠，楮島煙消鴈影來。
物色不隨騷客去，芳樽今為使華開。
三韓勝地皆方丈，更借

仙風進一杯

次漢江樓韻

慣識真源水，與丘却陪仙節導。
芳洲回眸更覺乾坤豁，入座翻悲世界浮。
杜宇只題方丈句，陳生徒詠洞庭樓。
歸朝定問三山事，須把清詩記此遊。

江上遙山列蟻丘，雲間飛棟挿鳧洲。
真看賓主東南羨，始信乾坤日夜浮。
聊倚詩成供小酌，不教春近高樓眼。
前光景傷心麗，辜負絃歌佐勝遊。

次謁聖韻

詩禮亡來唱百家士將仁義戰紛華
綱維大道成條理砥柱狂瀾作障遮
儒教有依尊廟貌女蘿猶幸擇松麻
觀瞻此日同親炙更信周王不忌遐

檀君祠

香火事報祀古祠藤蓋宇時應并帝堯
德可同文祖

箕子廟

離明入地中洪範落泉臺不有當時德
今誰

薦祠來

箕子祠

神依古祠深靈風常滿右八條世之欽
九歌村之酒

東明王祠

東方是青州禹貢失記壤雖無往我命
分土亦世享

次石將軍歌

千年對立閱侯館射眸酸風吹不斷
撫渠遠思爭戰時東海波擗地三判
民生糜爛極昏

墊欲濟無津又無畔我今厭說古爾應能記
前山頭幾見霧雨霾身上今逢日月懸不似
秦俑作者無子孫豈假楚巫招爾魂桓、儼
峙鬼物依眼前閱世何紛、曾將臣狀坐無
策遠愧防風耻長狄陰謀壓勝在默運走肉
行屍空假息頽然雙石足記功無教登壇顏
亦赤不學石犀壓江水不效金人鑄鋒鏑應
嫌據鞍試矍鑠尚憐泣鏡空嘆惜天地為家
席太平萬古屹立知無敵勇如項籍終包羞
忠如岳飛亦罹憂悠悠、成敗劇浮雲不語長

含無限愁安得叱起兩將軍目有所見耳有
聞威靈赫焰衛天子一守西關一北門誰何
戎狄惜羌厥張此空拳不旄鉞千秋鞏業鎮
不拔五雲奉天朝萬國君不見累、肘後繫
斗印辛苦沙場幾血刃縱無田氏黃金帶十
圍尚保黃公白壁山千仞

次華使謁聖韻

誘誨諄、盡有餘想着詩禮勸躊躇顏回只
見高堅卓曾點先知氣象舒師友久無忠矣
告廟庭空仰大哉居皇華一語明彝教羞殺

離蟲賦子虛

次大平館五絕韻

樓豈藏歌舞筵非照珠翠應憐太平人未作
太平醉

長留萬里心不許重簾下唯應天上月分照
客中夜

故國幾愁思遠遊人未歸應將黃鳥暮已換
暮春水

華館耿無寐金缸猶在壁誰驚夜鳥栖攪此
窓間客

歸探玉樓春幾作金閨宿應思東海上獨復
剪殘燭

次慕華館記別韻

相看已恨逢知晚未別先懷此日情天地有
生唯一氣華夷無處不同聲陽春白雪雖難
和霖雨崩山更可聽莫怪臨風重把手一杯
要與淚俱傾

次生陽館牡丹韻

豪奢未與魏家開林館無尋細雨來艷色自
矜驚絕代臘脂誰惜委荒苔天教邂逅逢清

賞詩到沉吟合舉杯麗質只應難可棄金盃
何待薦高臺

次祁使重過清川江韻

平世經營白盡頭一心無復楚孤猶天摧故
國空餘恨日暮鄉關未足愁黃鶴已驚逢麗
藻藍橋還得共仙舟孤臣此日真多幸千載
能同陶謝遊

次祁使六韻

舊國當年命又新良金還似未離鈞詩書教
可陶天下鄒魯風宜變土濱白雉貢來知有

聖包茅輸處孰非臣榮生哀死皆恩澤共荷

皇明園一春

星槎一道出東方千里逢迎鶴野茫遼左山
河皆帝服齊東藩輸豈要策繩承每見恩無
替歷數其如命有常白髮老臣猶未死敢期
陳力贊重光

相逢未幾眼俱青四海從知一性靈瑞世豈
無麟與鳳仙查還有月無星新音澳菽流春
澤往事潛悲失夢齡憂喜聚門恩碩重五雲
心往拜彤庭

天涯佳節過三之。未見幽花映斷崖。客思攪
時頻促。駕詔恩頒日已開。函張騫不免葡萄
責馬援。終罹薏苡說。只採風謠歸獻御。奚囊
無底口無絃。

山似瑤簪水似羅。四千行路與春過。手摩鶴
表千年柱。眼入龍灣八渡河。醉裏已拚吟料
富天涯。未覺客愁多。相逢不鄙成酬唱。應為
觀風列樂歌。

目擊先知道。可通此心元不限。西東淵源想
自程朱學句律。猶存李杜風。聖世即今分。綉
鉞男兒曾已到。豪雄經營四海終。勲業莫擬
扁舟落手中。

次開城府太平館十絕韻

曾道難謀命。自天眼前興滅劇。雲煙永安城
裏龍歸後。無復繁華似昔年。

神崧悽愴失。差峨輸盡精英歲月多。舉目尚
憐風景異。當年應有嘆山河。

當日頒經帝。命新舊藏書局已生塵。百年移
八絃歌俗。鄉社頻看學道人。

識歸青木古名區。不說如今蔓草無人物。豪

華消未盡海東還，有賦三都

頭白蒙茸眼亦昏，只今無計避塵喧。紫霞洞

裏尋真日，剝蘄題詩尚有痕。

休道松闌壯似曉，分明行險喪前軺。興亡不

管秦宮月，一曲誰吹玉女簫。

山鎮雄都未了青，世平誰復事縱橫。只憐敬

德宮前路除作皇華詔，使程

綠樹重陰午景清。荒基無處覓承明，傳前獨

有青山在鬱鬱，猶含萬古情。

龍首山前望氣佳，只應煙雨鎖荒崖。神僧相

宅，法僧廢梁主，功虧倭佛齋。

誰識皇仁固一春，百年東土靜風塵。名都士

女昭休命，瘦作昇平擊壤人。

次箕子祠韻

籐蘿為蓋古祠深，芳芻實椒漿祀豈淫。周武甫

時能受法，魯儒當口是知心。八條有教空遺

愛，千載無人更賞音。惆悵未施皇極用，僭罇

那復往來斟。

碧蹄館次唐使韻

東風曾報捲春歸，林館今來柳絮飛。勝賞已

拚天下最知音寧道眼中稀幾回北斗瞻高
標能使東人識袞衣縹緲未禁風馭返鶴樓
遺跡似煙霏

次大平館六十韻

峯嶢華館八雲穹境界遙連閩苑通時有天
人頌帝誥憶曾仙節降詞宗月星當日張查
遠標杞子今傑句重心慕文華翔彩鳳瞻驚
詩力拉黃熊長留勝跡三韓最逐有飛名四
海雄能使遠人勤北拱竟無遺稿助東封光
陰倏忽過如鳥天地超騰望若龍擬和陽春

愁巨筆任看光焰洩長虹久聞帝載歸皇極
復道騷壇得聖功舊學龔吳凌屈宋新聲華
薛陋玉鍾聯瞻威鳳儀東表益信詞臣盛土
中物色雕鏤留更少詩篇陶冶覺尤工筆驚
風雨龍初躍章罷騫騰鶴欲冲千載寵光天
益近五仙揮洒韻將窮紗籠絕唱流傳盛旒
綴偏邦眷頌隆每役吟魂降此膝重添詩瘦
病成癢毛錐所豎真殘壘罇俎何心更折衝
天上金花新有慶眼前冠素重遭凶命從北
極絲綸拜恩滿東方雨露同折鍤怯看穿七

扎高山驚仰聳孤峯夢通仙籍排金戶真入
雲霄對玉容髮靈自慙垂領白筆花空賞滿
牋紅羞投木李瓊瑤報借拍困窮委積豐暇
日登臨收勝景繞樓飛步躡仙蹤選將大手
推前輩便覺雄鳴在上風頗憶舊遊吟浩渺
却憐殘篆看朦朧客窓遠興春無淺花樹高
技業已茸平世正宜聯駟牡遇時非復累飛
蓬試師孔聖居夷土不效張騫覓夏節萬里
憑欄方文裏五雲回首奉天宮聖神垂拱同
文軌靈貊梯航共平從漢女豈知悲湘漢

人無意倚崦嵫西枝欲折扶桑樹東影遙禁
月桂叢擬償遠遊司馬志應嫌窮道阮生慵
應憐國內三年制猶結街頭五色絨千里辛
成陪咲語八窓重得捲簾櫳太平館號如增
羨拱北山形更欲崇聊以煙霞供物象敢將
交契托昭融吾王誠意無前古授子珍饈
罄禦冬能合兩情唯玉斝解傳仙語是青童
東南賓主於焉會天地精英此所鍾懷寶未
應輕衣褐影顧初不數耕傭韓公拔咲逢知
已揚子微言進在戎白璧終須攻假石黃金

那得鑄清銅文章發慶元根性夜氣清時要
擴充知去穢荒終有獲請將功效譬勤農從
來作者皆殊品未必儒名浪得鳴北學未成
尋孔孟東遊那復問鳴濛天教此日衣逢袞
自賀如今道在東妙處正難移刻畫喟然徒
自嘆龍從如參宣聖三千列不比文園八九
肯腸藿未能維駟馬籃輿不惡舉吾公百年
會合將難又一統乾坤轉覺洪繡黻眩未添
舊誓雷霆驚後重新聾空將避箕折周斗欲
把遺音被嶧桐轉眄星查凌汗漫疑情仙鶴

向穹窿薊門樹色煙中綠遠左山光雨後濃
千首有餘嫌篋重一錢無著咲囊空能留奉
勅諮前編贏得歸朝髻髮鬆別後相思何處
慰更敷文教致時雍

磚石途中

郭外青山傍路斜眼前荒穰盡蓬窠古人未
覺長年夢春色先回幾樹花佳節過來緣一
日白頭添得已三加葉公受命煤心熱後教
浮生只可嗟

宿碧蹄館次鄭湖陰三絕韻書雲門上

人詩軸

青春已負少年時
照眼花枝入皺眉
客路又成靡
鹽日山僧何苦更求詩
相逢只說苦思歸
幾見緇塵化素衣
此語足成林下約
他年休道故人非
逢師忽憶故山時
每被隣僧索好詩
惆悵白頭還作吏
只今空有白蓮思

臨津即景

高亭日午共登臨
無限煙光動客心
瘦口風狂帆半落
海門潮逆岫全沉
兩邊石壁無今

古幾裏花枝有淺深
莫道前朝巨國地
江山能自尊荒淫

行近松都途中即事

迢迢征驛卷蒼茫
客思多城春留物色
世遠只山河苑破耕
侵砌臺埋草上坡
遲回問舊俗服賈
夔絃歌

次吳華使韻

花開有餘景
院古不勝清
客自憐新興
民誰問鴛情
簪餘風鐸語
門絕寺人令
砌晚鐘
猶課探空燕
有營流塵
屬芳月遺恨
滿春城豈

金有集八
三
喜悲前事深憂自飽更

次劉禹錫送春詞韻

相隨千里不相離君欲歸時我未歸蘇句豈
曾留作絆魯戈何得更能揮蕭鬢與流芳
改遊賞心兼樂事遠從此年光成強有杜公
真解惜天機

次柞頌韻

行盡閑西春又深西闌今日喜重臨貴山有
素非新面白鳥相親是宿心接上客情還中
酒眼前詩債不論金誰送落梅橫吹好更教

弘底老龍吟

次諸台聚勝齋韻

春正歸時日且曛寒亭凝綺思紛々邊西遼
戶遙看火直北胡山遠作雲萬里風光都聚
勝三方形勢此橫今將軍簿俎無餘事付與
騷壇酒菜勳

次林錦湖亭秀韻

雲隨地角遠日向帽簷斜去々空負路愈々
却賞花此間詩未就何處酒須賒莫說張公
子空乘漢使槎

功名看熟黍學道費炊沙客饋珠如月昏睡
字似鴉崩山難和荅衰髮益髮影不是夢中
草翻起天上葩

次鄭湖陰統軍亭韻

千里龍灣四度過慣看形勝此中多華亭制
豁新游刃絕塞時平夕息戈水散剡門天外
盡山連遼左眼前羅登臨賓主成酬唱傑閣
雄名兩不磨

汲古用其韻衍為二絕復和之

漫、江路可無君興入春空句似雲只恨錦

湖前日去想應跋馬杏花村

坐慈秀山溪邊

往在屠維歲曾從華使遊如存三宿慈復見
一溪流卷映雲根出泉鳴石竇幽應知慈秀
勝題詠滿中州

座上李從事有和再用其韻

誰此留佳牖吾今作勝遊草生為豕翠鮮花叢
倒江流客遠塗非畏春深興轉幽莫愁山欲
暮從事自青州

將押州字不得李從事
逐報酒盡目成戲

屏風出途中寓意示李從事

屏風崑下路歧今吟軋征鞍和睡聞揚柳渚
長青勝錦梨老村迥白如雲無邊麗景還成
惱幾句清詩更把芬誰画此間雙使者不應
忘我敢忘君

次南江喜雨韻

滿盈初象解求得已占隨湯旱空勤責周年
不暮祈霖之纒入土懷之欲成歧共說豔登
瑞餘波定及發

次龍泉館華使夜宿韻

群動夜已息厨人猶汲泉明朝授子饌曉甕

還生煙國厄逢新慶民勞敢告夜登頓涉長
途山川遠蔽虧安得一日閑席此河之涓河
湄有石埭萬柳垂長堤不解管別離空老黃
鸞枝幽事良足怡餅餌香麥波清陰勝卷時
半山言亦知深尋渡隴處芳章行可披忽
且未遑捨此復何之人生百歲內候忽光陰
馳逢知既云晚好事還失時

次劍水館華使韻

龍化騰空劍水寒高軒開處但青山麟袍錦
節盈門爛幽草閑卷滿目班使者只懷靡啓

處家人應賦不如還題詩政要酌知己安用
留名在壁間

次嘉平館韻

幽憂客且久孰與開一口公館喜遇知披襟
坐北牖持詩擬心神篋笥几幾首更逢白玉
投意重醉如酒雲煙繞窓飛眼底龍蛇走高
山安可學自畫耻培塿推君百尺樓地下驚
縮手由來邈姑射堯舜亦塵垢小子復何者
得拾唾瓊玖殷勤作報章欲書還制肘

次納清亭華使韻

不敢留詩最上頭只憐佳趣儘清幽深潭露
石偏宜釣高柳垂枝半覆洲何恨杜陵長作
客却成蘇子冠茲遊差然未覺耽蕭散朱夏
森如水國秋

次薛華使渡鴨江韻

天上仙查絕晚潮魚龍驚在避麟袍湖山久
擅千年勝詞藻今逢一世豪欄道威儀隨詔
札滿船簫管雜鉦鼓咨詢此日應難徧柳遠
江村處之謠

次賞杜鵑峯韻

企齋集八
十一
近如紅錦遠如霞滿眼繁枝整復斜春色豈
能工逆渡人看不似去年花

次百祥樓韻

縹緲簷櫳近斗邊兩江號泣旣清川天空俯
視雲鴻背日照遙分海岫頓范子有憂何日
樂杜陵多病幾時旋猶嫌詩句分留少翰輿
奚豐物色鮮

題天文地理命課三學世交契會圖

天文地理兼人命誰識三家只一流龍虎有
形俱入象吉凶無定極歸繇景山卜落詩書

事齊政分疇舜禹謀糟粕不遺觀亦達向來

鵬鷗自為速

次肅寧館首夏漫興韻

挑得詩囊更可收幾回來此每夷猶片雲山
樹長巢鶴白石庵僧解牧牛空憶少年悲蠟
展却思春酒撫金鉤殷勤為報皇華使須卸
吟鞭且少留

耕雲山名白石
各解一作善

次林從事上山道中韻

挾水蒼山幾萬重昔曾停騎政春濃奇崑日
亂蒼初纈細路人稀草未茸戲數沙篠臨絕

金齋集卷八
十七
澗愛聽幽鳥坐長松
殷勤為報林居子
雲碓他年會借春

次上山道中韻

緣雲石逕細縈紆
更遣何歧向九衢
今日孰如前日好人間
還有此間無
蒼漂世外拖成實
巢入雲中鶴養雛
吟得渠詩牽夢想
白頭那復到仙區
性雅肥嫩亦討此

次次大同江韻

繞郭滄江日向東
長林隱映勢浮空
遙岑天濶時歸鳥
古渡雲深或躍龍
訪舊正懷麟馬

窟繫舟還愛牡丹
峯樓臺景是西都
勝合者奇觀煙雨中

翠屏山前溪上梨花一樹盛開如雪

誰教客路故縈紆
映柳清溪曲々流
一樹梨花繁似雪
翠屏斜日更回頭

次鳳山洞仙道中韻

未識山巖鳳寧知
洞有仙常懷騰翥日
難覓對藍天摧倒桺
鸞鳥樹荒蕪種玉田
榛苓遐想處吟得白雲篇

次堂於嶺韻

憂深眷重遠迎使白頭西開行復行遠迤嶺
路曲幾重華無哀猿三叫聲何言天上張公
子四海無人回眼青牀高共望五雲深願得
聯鑣朝玉京

次義順館韻

鴨江迢迢繞龍城為問乘槎渡幾程星列從
人皆國士雲迤邏騎盡遼兵囊中麗藻看來
秀座上仙飈襲處清不分玉堂成伴宿夢中
時接咲談聲

次肅寧館首夏漫興韻

旅館無眠眼有花老形常苦病搖牙難成謝
子生春草不耐黃公到曉蛙西塞光陰愁裡
換故山消息客中賒題詩不敢成酬唱誰識
孤臣髮益蓬

次華使風月樓韻

宜風宜月自清涼古砌苔紋雨洗荒絮罷能樹
頭猶著雪荷浮池面已含香從前景物應無
限此日題詩便有光欲和陽春知不為客情
添得鬢滄浪

次華使平壤登眺韻

箕封真壯古已非偏小壤世德未作對廟樂
空遺響分明畫井地乃入騷人賞江山儘多
味嗜者知取掌誰將佳處會領此未嘗徃悠
々今古間物理元不爽乾坤自控搏日月若
爭攘興亡一鳥過往事屬漁舫麟馬跡已訖
朝天道在枉唯餘牡丹峯誰遣雲樓敞下有
綾羅島風煙杳泱莽唐公萬里眼胸次雲夢
廣叔拾古錦囊文光高萬丈惟萃暨張仙瑞
彩繼重冕編成登眺什物色打一網還留不
盡興惹起千載想椒斟禮古祠九疇如再訪

王程亦有期逝水春溶漾星杳歸意動仙風
摧画舫湖山一戰霸孰敢爭王長誰歎善画
者寫此以相傲還將寶唾音一唱心慨慷如
承百朋錫豈啻千金餉交投托永好願言終
高朗吾言豈善諛君子本不黨

次飲酪韻

嗜味誰能察所由君王猶賞爛羊頭不堪蹄
甬隨兒鹿何忍腫焉望母牛仁者豈徒充口
腹饒夫唯解利咽喉願生蔗境甜於蜜張子
尊羹滑似油

次錦湖聞許節度碾棄世韻
浮雲事業遠虞姚善戰功成將自驕雄略已
歸周望呂清名不數漢宗蕭青春未覺霜毛
變至世何嫌髀肉消誰報海營星已落幾時
笳鼓待還朝

次別成韻

耳聞持節節目送拜龍廷自許清為律人知
德可銘時方期汝玉天不欲民寧只是守堪
惜無從涕自零

次雲興館韻

解雨仍成雨霽雲已作雲金花泥帶紫瑞節
錦生紋山館空留詠天言可挹茶偏那何得
此深荷 聖明君

次錦湖過同盧河韻

行盡關西程山奇水又碧屈指記離家疇非
遠來客浮生宇宙間百年何卒知止少殆
機戒樂無愁日如何白髮年渡事鞍馬上經
心春忽忽客思兩茫茫君能起往念舊病喜
無妄曾移衾枕地蓬此吟襟得喪付一詩
料理忽如愚老矣可爾諸君宜勉力方今

急俊良 聖主求物色 勲業儘可致 時年難
再得

次林畔館韻

歷盡雲山已送蒼 白頭停騎日西斜 堪驚鴛鴦
館 鷺初喚 曾記前村酒可賒 佳句只須消客
恨 芳樽何計 荅年華 忽又負溪邊 賞唯有
閑禽篆細沙

次車輦館蟠松韻

爾性本自直 既直蟠上好 千年寒不彫 四時
光可葆 西枝戀崑崙 東影思蓬島 蒼龍訝身

偃白鶴悲極 老托根失處 卑歲月困積 潦無
心作婆娑 自有風洒掃 還將鬱翠脫 此離
草受命本在地 低回猶未槁 鮮迨舊仙儔
自幸臨官道 奏成龍鳳吟 相逢苦不早 知音
世所罕 遠志亦同抱 悲涼久瑟縮 清商回少
昊 願保封植 恩庶幾免萎倒

次良策館韻

春栢東杓路不迷 仙查隨詔爛金泥 身持鳳
節 經萃表地入龍山 渡玉溪 三錫遠 須憂喜
並五雲 偏向海天低 鴻恩寶唾俱難報 白髮

企齋集卷之八
二
挑燈坐塞西

次韻

逶迤開路怯經丘浩蕩風煙厭渡流
弧矢已圖前計壯乾坤曾識此身浮
男兒意氣逢應罕平世功名兩可收
自嘆井蛙徒局小羨君能任子長遊

企齋集卷之八

企齋集卷之九

詩

戲用前韻示栗耳

慎居寬雲卿兩公

剛被詩情未走魔獨吟蓮閣日西斜
厭聽鼓吹還生肉却羨宮壺雨露多

竹山途中

征驂羸盡一冬深白首懷君正不禁
家在石城歸亦好朔風吹折倦遊心

遊聖居山萬日庵

峯回峽急洞天深忽聽風泉已洗心
聞說聖

居遺跡秘小庵孤絕寄雲岑

與稷山宰閔君璜

雪月交明裏江湖獨夜時
天風生遠籟北客動離思
白髮添新縷青燈照舊羸
他鄉無定業只有主人知

見枯竹叢中小桃間發寓詠

人間盡愛青々竹誰賞枯枝葉帶黃可咲小
桃相間發朝來還欲詫恩光

奉酬大樹先生

白首重逢日黃卷正值秋長關佳客座一見

故人留書罷新詩在車回舊徑幽不知輕約
信如待問林丘日月飛騰速風光取次收二
篇金玉韻驚我更回頭

駱洞前年訪青城九月秋當松爽猶籠籬菊
眼曾留悵憶詩中伴俄成地下幽頻來拖筆
戰作意筭糟丘義氣酬吾與功名任爾收忘
年且忘勢醉枕願交頭

題司饗契軸

地禁司饗院從來職亦親尚菲精簡宰師儉
戒封珎鼎有能調手厨無欲清人清班供俸

罷蘭契幾修春

題尚領相震

所藏靈川子

申潛

畫竹障

常憐吾姪靈川子愛畫稍雲妙奪真能事肯
留堂上樹風介聊運郢中身竒姿幻出卜夫
長雪節中含萬古春遲見鳳凰枝未實幾經
風雨葉如新山崑物色移黃閣肉食軒名合
綠筠白首對君塵想絕青雲唯爾夙心親子
瞻去後無真筆與可亡來有此人墨跡已能
驅造化聲詩添處更精神

寄駱峯叔父

潛

青門遠送荷情深長路回瞻淚不禁聚散
一生多少恨老年離別最關心

次元亮韻簡謝

東紀嵯峨渤海深離愁黯黯正難禁行厨撤
饌遙相寄七字詩中見宿心

次日本國正使僧安心東堂韻

異域新知舊意生憶曾先祖過秋城越裳雉
瑞千年應南海鯨波萬里平雲舶二霜身并
使華窓一面眼雙明金牋更擲瓊琚句入袖
琅璫覺有聲

日本有秋田城

博施恩深欲並生彈丸小島保孤城不思卵
育千天討自遠漂搖梗大平兩怒傳言能作
患一心偏愛亦難明唯應誠信通金石文教
漸來更被聲

又和日本正使韻二首副使韻二首

一見禪儀白壁今願憑神水洗前痕黃緣念
向塵間絕梵唄聲連上界聞南海幾乘查貫
月東堂常對翼垂雲歸舟定過徐仙廟為弔
秦民莫酬君

淨業修來已十今袈裟猶帶舊斑痕篋中佳

勺卜新誦海外高名幾度聞金象擬看朝衆
聖天老何日散仙雲慈航欲濟顛崖苦想見
撩壘共待君

齋蔬九食過三旬泣血餘生未死辰舊國已
更新命主承家還有老成臣旅筵儀物供千
品集輻梯航屬一輪共落乾坤中處混顛連
兄弟欲同倫

天監奏報已連旬南斗文星客北辰喪祭疊
着三思使禮遙童拜二名臣還將道契能通
石自觀浮生可轉輪韓子留衣情不淺太顛

應亦識吾倫

贈日本正使安心東堂

雲海茫茫淨界分使臣清標玉無痕心如師
祖常持寂道自瞿曇早得聞手折扶桑朝拂
日夢尋方丈夜穿雲東韓亦是神仙地一繫
星槎幸見君

通禮院契軸

鴻臚舊寺今通禮職禁官清履不卑爐獸熏
時呼 聖壽陞螭蟠處引朝儀百年文物丹
青見一契交情貴賤知共保歲寒從白首幾

回花月約無墮

題金吾契會圖

金吾曾是衛將軍沿革由來更近君象設只
今昭義禁天高應已覺馨聞朱簾窳地重門
甫烏几當中十座分從此北扉長寂閔白蓮
池上契清芬

次安心東堂

浮雲去住信乾坤幾度星槎出海門南國別
時花動菊東韓歸日草生萱却曰文子無為
使幸識春官更有孫欲借殷勤回造化寒灰

那得弄成温

次安分堂韻書靈機上人軸

躋攀方丈幾仙臺更愛孤庵送錫來何謂塵
中安分子却緣真夢兩參哉

塵緣淨業儘無端夢裏相尋覺得觀已識往
來從一念願隨飛錫出三韓

堪笑安期望不來漢宮祀竈幾回開何緣一
幅山中信來雜文書案上堆

送羅同知世績赴燕都

淚盡攀髯白髮垂孤懷誰與托深知論文未

有逍遙日同事唯多鞅掌時安得上床推子

卧每將高標作吾師 皇朝古樂無人識拋

却漫程且別離

題婦人所画蠶頭契會圖

金吾修契極風流千古傳芳記勝遊誰道画
成纖手裏綠窓能寫老蠶頭

挽節婦尚生鵬南妻

椒遠蘿依蔓鸞孤鳳失栖簡編稀苦節門表
合旌題自喻融之樂人悲夜之啼傷心舅姑
所誰渡戒初鷄

題金太僕正天字所藏墨竹二絕

磅礪天機動蕭森墨妙真從知成變化造物亦由人

老節堅於鐵風枝韻更清猶須著我句添箇畫中聲

題市井孝子契會圖

洛樹春深瑞霧濃旋門修契孰能同仁聲已被陶鈞裏孝思猶興市井中休道山川非禹績只應風俗似堯封長安多少飛蚊會知有看圖面發紅

詠洛陽紅二絕

百花春後掃餘芳獨有嫣紅盡意香至貴自然難品第牡丹何得擅為王

紅藥繁梢錦不分輕香時和午風熏洛陽擬見周家盛應帶當年郁々文

題駱馬契會圖 國恤時作

官以人為重名曰善可尊時清惟執法事正在持論簡與憂勤急駱兼日月奔有心空托契無計罄芳樽

奉送宋參判 純八奏燕京

來往燕山路漸難送君專對濟時艱天朝截
立通蕃禁海賈潛交猾夏蠻趙國干戈魯酒
薄吳人弓矢楚臣奸從容入奏承明旨想見
鯨波也自安

夙昔男兒志焉知事不平支離悲老病局束
羨經營未作遠遊賦空吟八奏行殊恩蕪密
旨歸路重生榮

病裏詠園中草木

山齋移榻卧病久覺園荒竹樹森涼葉藤苔
映古牆引枝縈五味穿砌長三黃最惜清香

菊同生百卉場

碧桃紅葉謝紛華小艸幽芳各自誇莫恠品
題猶有關鉛朱誰數鳳仙花鳳仙花方開而
不見賦故云

鳳仙花自解

天然造物孰尤工達觀前頭色即空歇顏羞
殺將安往寧入佳人玉爪紅

僧靈應袖持金吏部光準簡訪余于瀑

泉洞求詩甚勤戲和軸中三絕與之

駱洞雲蘿逕何從桃李尋自是塵緣在非關
訪道心

從來瀑泉洞未見有人尋何謂求詩釋還生
假步心

今日重陽會故山那得尋逢僧菊花畔還起
昔年心

咏百日紅紅得瘡證避寓故第二

皤皤白髮主人翁曾見蒼鬃七月中作客已
經三十日還家猶帶舊時紅

次韻贈一見上人

吾守駱峰老僧看無盡山欲知仁者樂心靜
是真閑

爾自山中出見山還愛山吾山不在僻忙裏
亦常閑

迎接都監契軸

帝所白雲迷夢馭人間瑞暈上初暎皇華前
後雙持節 鸞詔聯翩再 賜恩憂喜吉凶
同執役死生貴賤可忘言使歸應奏東邦盛
回指文星折木繁

題徽垣契軸

明時多士靄如雲棟入徽垣到十分丹極正
看鵬翼舉朝陽何貴鳥鳴聞唯言結契酬知

已豈識深盟在致君閱盡題名千古後座中
誰最挹清芬

題金吾契會圖

契事歸新画風流捨舊儒方期看玉汝諧願
作金吾紫府開重闈朱簾照九衢園扉閑白
日只可罄歡娛

題宗廟增修諸官契會圖

秘殿增修自孝思若工諧事捨般垂孫謀肯
為宮庭小世德當觀廟室知奕々過於美所
作校々猶是嘗之規題名記績歸蘭契更有

遺芳載頌詩

次金直講再弼山齋韻

耆德吾慚覓姓龐時人貌敬白眉尤崇班未
合隨諸宰多病端宜守一窓兩道瀑泉朋似
練三年雪竹大於杠阿誰解道山齋味岢峩
心胸為子隆

睡中聞鶻

支離病裏假從容睡氣濛騰臂膝慵山鶻一
聲驚夜噪遽然身卧午窓風

述懷

行年四十宜無惑多少迷途却悔前歲月支
離空見病風塵漸暮未成仙旋拋地異尋山
屐急買天民上水船不識不知人世事堯民
唯自解耕田

題養院契會圖

人言四海皆兄弟要在親仁且已知攻玉深
情詩有詠斷金高義易垂辭同僚自足同心
契契合仍成契會期千載蘇公論適口羨宦
誰數爛頭為

贈信性上人嘉靖戊申正月臘後二日

夜久有扣門聲適卧書齋使童奚問之
則乃僧也吾齋僻遠雖新年賀客不至
而僧之來亦是適然也與之坐而問其
所以來之意則袖出一詩軸求和甚勤
是音足慰寂寥况又能喜文辭耶戲次
首韻以與之

松壑雲峯又發春忙中還有寂寥人月來入
戶曾無客僧到敲門更遠塵書枕夢殘吾已
懶酒盃驚散爾堪嗔安閑一念皆成佛他日
諸天倘可親

題忠勳府所藏燕山侍婢綠樹家沒入
牡丹屏十帖

媽紅嬌翠尚輕盈誰道毛生画不成已入彩
屏非解語看來知是便傾城

步出繁荅便奪胎當時光寵比徘徊華堂一
閉無人賞付與銀屏灑逸開

繁華當日在昭陽翠袖紅裙第一粧彩筆寫
來猶絕艷從知傾國禍胎藏

天然富貴合稱王麗盡群芳擅國香莫道當
時何事業唐虞唯有煥文章

天工施彩本精真火齊彤霞敢比倫何謂画
師磅礴妙一堂花木絢長春

梅早無群菊已遲稟形難得奪天時含章一
咲東風裏百卉前頭獨自奇

好事東君效技奇一春文物盛威儀黃蜂粉
蝶還多債自擬生逢郁之時

洛陽當日事豪奢爭買名香各自誇只恨青
春容易過滿屏留得四時荅

聞說姚黃第一科寶屏初見數枝荅從來正
色非紅紫画到名香亦不多

十帖中只畫姚黃一朶故及之

龍駒道中即事寓懷

白髮支離老病翁
青春行邁路岐中
薰人眼醉桃
蒼氣透袂心醒揚
柳風世事不教成
浪跡君恩何以更
縻躬舊園回首驪
江碧辜負元身萬
樹紅

漾碧亭即事

紅亭漾碧池為愛
坐忘遲松護通泉
石苔明倒水枝客
心還濺淚春思謬
挑詩莫擬宣驕聽
勞歌在所悲

挽安陽城

璉

耳目聰明固爾奇
乾坤賦與似君稀
恰看白壁山千仞
宜著黃金帶十圍
晤語論文何日是
在修進取與時違
空餘身後綿之慶
回首南柯夢亦非

駱峯夜色

終日耽看夜又深
更憐山色映燈吟
蒼松讓密雲幢黑
翠壁熹微水墨沉
造物况能摸古画
詩人偏向起新心
更闌興熟猶多債
露却真形月且臨

挽蔡監司

世傑

嘆叱疑天道滂沱惜舊知
功名三按節科甲
再宏辭欲作桐鄉墓猶存峴首碑
眼前悲水婦身後奈無兒

題画鶴鷄障子

苦遭人玩困籠樊鷄鷄能言
雉以文何謂殺禽還受絀筆頭
傳妙画俱尊

簡謝忠清羅監司世續寄黃泉

多謝忠清觀察使拜傳消息問
支離應憐呂犹方酣夢為寄
黃泉試一炊

繼而有小白魚之惠又謝之

炊成金色黃粟米眼亂銀花
小白魚珍重遠來情意厚為
加餐返報何如

滯雨客館坐惜花枝漸稀
用板上韻夜示主人及同行諸公

葉底殘紅戀雨前明朝那忍
更飄然深愁幸免詩能聖
整賞唯思酒有賢老眼細看
揩眼纈昏花渾似隔花煙
沉、清夜還無月欲動春觴
孰可傳

山齋窗外竹林實成而皆枯斫去之有感

心愛貧簷手自移幾年培養長參差千竿束
處初看盛一竇成來便作萎不惜碧梧極易
老獨憐丹穴鳳長飢小窓愁坐猶寬意納盡
終南露翠眉

奉送耽羅牧金公忠烈之任

古城專遊寄殘民應壽期羅峯擎海極老宿
射天池鎮重獠蠻靜時清插袖垂久叨同撰
局白首惜分離

樂聖堂次湖陰韻

常思酒德著心期生後陶劉恨已遲欲識工

夫尋聖處先看容易遣愁時百年老去人誰
在萬事忘來天獨知堂上若教無此物庭柯
能得使顏怡

詠園中百日紅

南鄉佳樹到長安歲久枝柯且屈盤老事故
應侵夏晚芳心肯許妬春寒光連白日紅方
退節趁重陽菊與斑駁洞小園偏寂寞天工
留作主人看

齋宿凝香閣池荷方盛開

瑣窓清絕映方塘祇祀齋心夢亦涼白首暫

來婀娜地碧荷紅菱是髮香

又戲題清歡閣

紅裙美酒正闌干多少風情自不閑誰扁華堂清意味已應知我此時歡

舍人司蓮堂板上見先祖遺題感而和之

須斫墻槐納北山古今人對此窓間更看明月梨花句懷抱含冰尚覺寒

病中詠階上三桃花

三色桃

淡紅交白映深紅三色翩繁一樹中試問東君為許力彩為誰一雨誰工

碧桃卷

娉娉艷照階明誰謂穠桃少世指在對正宜羨吳白只應吾與爾俱清

二桃卷

錦不勝春扶病者來白髮新應在詩書裏莫教空怒李夫人

題寺景殿祀官契會圖

萬水龍初化蓋山劍已藏殿開青瑣闥

白雲鄉渡盡三年血誠餘一瓣香祀官今作
契應是不離忘

仁卿以詩寄花箋一封和其韻簡蒙

幾幅華箋藝文歲想應謀婦共書和樂勝還
血光揉眼画出金蓮露滿多可志來之似
至更疑題處向生香等兒知吳紅西錦先和
湯春第一章

夏日遊病西城外憶豎刺企齋寓詠以

示仁卿

栽桃種竹滿山園春日携家出郭門爛熳紅

應今結子交加翠亦已生孫苒階雨菊荒深
沒石谷風泉靜更喧回首駱峯猶避癘最憐
齋裏尚留罇

仁卿公有和行二韻又和之

東麓南岡各有園青山遙對兩朱門忝教箕
箒修中饋幸見袞毳層外孫同荷 聖恩期
共報敢將塵世避群喧不須稍待秋涼冷徑
掃吾齋擬置罇

奉送西海伯周公世鵬赴任

瀟溪遺教世誰欵五百年來緒可尋前席屢

承哀痛旨窮關常切撫摩心丁寧格語天為
正洋溢推恩海共深贈送有詩期不負莫言
塵裏少知音

謝黃海監司寄生鱗

腸汗羊羹口厭鯖大夫迷疾近來并塵間忽
對山中吏能使陳公眼更明

挽尹判書既大夫人

繁華餘慶日高壽到髦年國進褒忠爵家生
典禮賢三遷曾有效五鼎竟踰前最恨庭闈
北春萱更不妍

謝尚相公連惠酪粥

某今年七十一歲且多風疾已無上齒
牙凡遇強物不得茹吞唯所喜者在於
酪粥而此物出於太官侍奉之餘日供
只及大僕非市買可辦故難得而服尚
相公常無是職憐予老病數撤朝供之
費委遣致惠苟非誠推養老之恩何以
至此予久在病中不能躬謝一日因警
府錄事敢達殷勤之意相公答曰子誠
喜於此者有謝詩云相公顧護之恩又

及於辱收鄙語雖在病中吟呻乃其常
事是書七律頓首上謝

粉盞凝酥異漢拘日供常自太官牛何能撤
得黃堂費應是誠如赤子求齒割厭強長過
腊舌存愁弊更茹柔相公恩顧知難報不見
張蒼乳婦羞

次寄李任公韻

杜牧年光半已徂園谷澗雨委采蕪遲暮今
日強為有却恐明朝寂若無白首亂絲新病
起華牋佳句忽心蘇枯形且對芳樽賞尚保

三朝雨露濡

和尹希任韻謝惠雉

山梁春似舊澤雉遠供時物外君留彼塵中
我在斯自悲深見繫人說不知辭零落元亨
約只今誰與期

聞關東伯大樹公發行病中為起強把

凍筆書一律送之

白髮蒼顏卧擁裘夢魂時落海東頭朱陳村
裏無遺愛龍鶴山中有舊遊送子却將探勝
眼吟詩都付為民憂海棠洲渚鳴沙路應見

來牟地上流

次南岡韻書敬天上人詩軸

渠是江南祖大梅却尋香韻入山來如今又被時為使乞得千篇向五臺

甲寅仲春初一日病未叅祭賦律以示

諸兒孫

罔極恩難報追思祭見如病多吾不與誠在禮為虛春殷逢初吉香外翼右居兒孫承祀事爾識慶流餘

簡謝黃海監司朴公忠元

雙鯉合為一遙從西海傳加餐多病日相憶
又新年

功臣都監契軸

當年天步屬艱危歷數謳歌儘有歸龜卜更能知越蠶人謀自是協惟幾丹青已見褒忠赤管蒯何嘗棄賤微鐵券成來蘭契結山河帶礪與無違

題六曹承政院中書堂契會圖

出納通符地已尊郎官元自應星文清高並列中書選晨夜誰論史院勤要試先勞同結

契何妨後立卓離群分明可畏圖留壁指點
題名數致君

偶吟

空庭艸樹露華團山氣蒼然暑氣殘自愛企
齋今夜月清光來照駱峯顏

乙卯重陽日

萬物夷商九之時人生况復白垂絲黃卷赤
葉皆衰境佳節重陽只可悲

挽李知事

賢輔

昔日常從杖後行高年幾仰輩先名身抽宦

海早休去命下雲霄三召榮白髮到禱皆樂
地青山遺慶是佳城悠々塵裏終羈絆為寄
此章遠達情

愛吾日紅枯樹分泉久注稍無生理又

詠一絕

無使形存愛亦深芳菲何處可重尋分泉曉
注雲猶濕苔裏難回已死心

癸丑立春書懷

浮雲事業夢中人瘦骨崢嶸尚一身卧看兒
孫新上帖欣逢七十一年春

封餘細々春盤菜驚見京營又送新白玉青
絲看亦老百年知免轉蓬人

詠春燭

巧剪青紅蠟紙燭先將春色上頭翻年々此
日長霜賜滿室榮光檢 聖恩

送江原監司鄭公浚

民彫物弊海山東宵旰憂勤屬歲凶命出金
臺推赤子星分紫極鎮蒼龍新聲載路歌謳
遍故里盈門孝慶隆既遂吾私恩寵盡不知
何收報成功

送冬至使鄭大諫公綽裕朝天

徙近燕山是帝畿百年文物盛於斯乘蓬并
展男兒志篋笥空探太史竒相對定驚觀樂
後中須憶贈言時哇生到老悲東海况望
冲天鶴所之

簡謝江原伯林大樹惠雉麈

文章致翳澤中物未日不良山上吏駢首聚
來供老病馮生卧攘呼鷹臂

又謝惠古之文魚

應憐老子口無齒為寄珍鮮腹裏腹加餐味

過張蒼乳無爵文魚病自蘇

簡謝朴公忠元云送一鴻十五鷄來者
不傳故戲之

林間十五鷄更作田鼠去天上一孤鴻傳書
又何處

甲寅菊月朧駱峯書事

水洞地勝刻得真群洞人稀必有塵沙岸黃
蒼如笑老瀑出紅葉欲爭春輕嵐入室青松
近落羽飛庭白鶴馴誰識朱門還似此寂寥
應與道家鄰

甲寅九月九日士經

任權 彦禮 尹思翼

諸公會于上山臺召與同遊病不能赴
聊書一絕投春以佐粲然云

諸公要作重陽會獨向清秋老自悲未見興
來空有病南臺辜負菊香期

挽尹座首

白髮蒼顏座主人通來同賞十年春他時酒
熟誰相就却憶前遊渡滿巾

看到人間七十年眼前蘭玉慶綿綿從他富
貴從吾酒若比紛紛靜是賢

一作薤歌渡萬行鄉遺此老又云三樂者白
髮樽前舞忍送寒山洞裏藏

九日設小酌于堂亦諸子弟

黃老不負舊時期遊興者老漸衰愛月斲
成堂上飲西風偷入鬢邊吹

寄堂姪舊翰林元亮求墨竹

聞說海南蘇內翰綠筠風味勝揚州醉驅墨
妙精神入功奪天機造化休雨葉未蒙山谷
詠霜根如帶雪堂愁瞻前在後軒屏裏欲識
顏回太似丘

偶吟

黃霧彌空日夜風天中恠種落濛濛方愁雲
漢頭添白豈料城巷雨濕紅誠意固知由
聖主豐年從此飛神功真々轉化復更事始
信人心造物同

巷似宮粧傍輦慈小園煙景媚春三常思杜
老從貪句自比策公幸作男行樂及時須羨
酒典衣何惜坐晴嵐騷壇醉老多迷路倘借
高轅擬指南

過飲福星洞村家因宿留明日李使君

先到家見待有詩相贈座上和謝
仙班同列黍蓬萊豈料孤懷到此開昨日偶
成材酒困今朝還後使君來

驪州牧使李純

十里松杉雜草萊柴門隱映向陽開當時
不見人如玉嬾却紛々俗士來

階上紅拖碧拖三色拖三樹滿開谷之
奢麗莫甚於此戲書一絕

紅於錦繡白於繡種得三拖已言庶開遍土
階奢麗甚主人無奈太并無

謝平安監司送黃梁

三斗新春黍來從古井田功名夢已熟喚覺
未炊前

嘉靖乙卯夏病中聞有倭變嘆未及救
書長律以寓意云

形羸面皴背偃僂七十年臨類孔丘黃閣已
無經濟意白頭還有亂離憂南倭野性餌忠
信北闕謀臣落獻壽曲埃徙薪嗟亦晚不
知誰作上焦頭

和邵堯夫首尾吟八首逸其餘

先生非是愛吟詩却恨堯夫生異時已矣莫
如長已矣思之不置又思之百三十五空遺
律事物人天盡八題珍重昔賢難可作先生
非是愛吟詩

先生非是愛吟詩看到陰陽動靜時一氣往
來元有理兩儀開闔自無私五行繞筆分清
濁四象初生本耦奇稽首伏羲親畫卦先生
非是愛吟詩

先生非是愛吟詩想見包羲畫卦時象數元
從六八得陰陽都自耦奇知胸中太極初非

假馬上圓圖亦是資要識如環交變易先生
非是愛吟詩

先生非是愛吟詩是經天緯地時坤厚居
中誰負戴乾行包外自推移四時不息循環
去七曜難齊先後唯香一身參得五先生
非是愛吟詩

先生非是愛吟詩是先生味道時語大不
唯色覆載至微那得小毫絲精中便識心和
性處難遺食與衣如此生來如此死先生
非是愛吟詩

先生非是愛吟詩，是先生慕父時。吾降四年悲不逮，宦成三釜欲何為。羹牆有恨天難極，禴祀無愆神亦知。願得全歸終報德，先生非是愛吟詩。

先生非是愛吟詩，是先生念母時。育我恩深期幹蠱，慈烏啼罷更依誰。常悲霜樹彫紅葉，未著斑衣到白髭。每食遇新難下咽，先生非是愛吟詩。

先生非是愛吟詩，是先生愛子時。願學禮詩成德業，不憂名位竟卑微。陶潛責善言空

費孔鯉趨庭教亦稀，多少深情無外假。先生非是愛吟詩。

有寄碁局者戲題

青山來卜宅，白首老東村。近得新碁局，還如獨樂園。

清和初四日詠抱城客館薔薇

示兩從孫主敬察訪

西關春已去，高閣夏猶涼。鬢髮愁添白，薔薇露染黃。應羞隨俗治，聊伴古時粧。閱盡卷經眼，從渠擅國香。

朝起始啓北軒見砌上薔薇三朶甚盛

開松二株間生其下枝柯相交若道人
燕坐侍女傍立更用前韻戲成一律以
希會公發粲

卷明釵成砌松老韻含涼自是添山翠應非
假地黃軒褰道士服高古侍兒粧整作嬋妍
樹何妨夜合香

用詠客館舊微韻又賦五律亦四君子
求和

風薰初入夏雨過晚生涼可愛千林綠深憐
一架黃啼鸞驚混羽嬌額訝塗粧合薦中央

帝餘卷不敢香

唯能守中正肯自較炎涼衆卉多矜綠幽芳
只保黃參差漢殿画顛倒衛宮粧春早梅先
蘂秋遲菊後香

砌上仙雲墮卷房露氣涼只應分蝶白渾不
辨蜂黃已覺枝垂睡猶領燭照粧正憐明月
夜撲々暗傳香

清和開北牖風氣似西涼苦被蒙頭雪羞看
滿眼黃人應思化蝶渠自學慵粧相々垂々
處分明夢裏香

砌近蒼逾豔，簾虛晝亦涼。輕風搖嫩綠，晴日媚酣黃。已謝春紅惡，猶嫌雨淚粧。何日飛野露，及得口生香。

次錦湖演韻

愛蒼心有素，嚼露齒生涼。嫩葉仍殘葉，深黃映淺黃。金錢絡繹裊，翠羽帶嬌粧。遙憶東園裏，誰尋雨後香。

猶須鈴作護，故遣剪荒涼。架下拋金屑，捎頭著繭黃。自然能使貴，何用更施粧。不假荀爐爨，頻看百和香。

已聞中鮮久，復道行疑涼。人未知全性，渠能守一黃。年唯正色處，是明粧。養得清和氣，終教尚德香。

朝起見砌上，薔薇蒼滿架。含露低垂絕，竒愛其清致。又次前韻為茲蒼賦，到十律猶有餘思。日以見老夫於花，與詩兼有兩癖呵。

金錢露更重，水繭暑還涼。刻鏤天成巧，文章帝借黃。正宜金屋貯，能表水僊粧。誰比昭陽裏，露凝一朵香。

簾幕卷明曉清侵卧内凉誰道三春艷都輸
一樹黃還思青瑣闥曾賦玉人粧恍惚龍庭
裏如聞弄、香

復用前韻效演雅體

蒼暖蜂聲咽風輕蝶意凉鳥應陰愛綠鸞豈
色偷黃金鳳歌宵鈿銅龍促曉粧日烘雙寶
鴨燒盡鷓鴣香

近又多狂風見苍色日益衰謝非但雲
物移易半為詩篇侵惱可歎擬賦二律
以寓惜苍之意云

終風成詭浪炎熱怯颼凉不分愁衣綠無心
妬額黃輕盈羞隨溷悽絕歛殘粧莫惜恩情
斷應留篋笥香

知衰方在盛失意豈秋凉夜露催零落炎風
助焜黃低垂不曰睡愁絕更能粧賴有遊蜂
聖深尋片、香

